



**Ioannis Tollenarii Brvgensis e Soc. Iesv Specvlvm
Vanitatis Sive Ecclesiastes Solvta Ligataq. Oratione
Dilvcidatvs**

Tollenaeer, Jean de

Antverpiæ, 1635

Metrica Paraphrasis.

[urn:nbn:de:hbz:466:1-68633](https://nbn-resolving.de/urn:nbn:de:hbz:466:1-68633)

liam habui : armenta quoque , & magnos o-
uium greges vltra omnes , qui fuerunt ante me
in Ierusalem :

8. coaceruauit mihi argentum, & aurum, & sub-
stantias Regum , ac prouinciarum : feci mihi
cantores , & cantatrices , & delicias filiorum
hominum , scyphos, & vrceos in ministerio ad
vina fundenda :
9. & supergressus sum opibus omnes, qui ante me
fuerunt in Ierusalem : sapientia quoque perse-
uerauit mecum .
10. Et omnia, quæ desiderauerunt oculi mei , non
negaui eis : nec prohibui cor meum, quin om-
ni voluptate frueretur , & oblectaret se in his,
quæ præparaueram : & hanc ratus sum partem
meam, si vterer labore meo .
11. Cumque me conuertissem ad vniuersa opera,
quæ fecerant manus meæ, & ad labores, in qui-
bus frustra sudaueram, vidi in omnibus vanita-
tem, & afflictionem animi, & nihil permanere
sub Sole .

METRICA PARAPHRASIS.

PERPLEXA quisquis compita, & vita vias
In varia sectas studia vestigat, neque
Sat constat anima, quo gradus filo regat,
Quo Marte vitam aut arte mortalem excolat;
Non ille temerè sortis arbitrio genus

Vita

Vitæ prehendat, sed neque iniuitas colat
Procul Camænas: sed viæ aut vitæ orbitam
Diuiniore mentis afflatus legat.
Expendat animo semina infusa indoli,
Viresque libret; quamque personam dedit
Orchestra vitæ, hanc congruo mimo explicet.
Quicunque rebus, stemmati, atati, indoli
Curas adaptat, ille se scenæ probat.
Sic ego superbi culmen imperij tenens,
Et Rege digna mente complexus, Deo
Ædem sacraui marmore è Pario, inclytum
Decus Sionis, cui nec æquiparet suos
Iris colosso, nec Semiramidis opus
Superba Babylon. Regios struxi cedro
Libanitide lares, umbra quos tepido sinu
Complexa saltus, vincit Alcinoi domum.
Vineta duxi breuibus Engaddi iugis,
Ulmis maritans vitium flexus vagos,
Topiariisque pergulis umbram explicans.
Nec cultus horius Veris amplectens opes
Amenitati defuit. Cruor hic rosam
Pingit Diones: hic & Oebalius puer
Disco peremptus: hic inardescens suis
Narcissus vndis: hic furens Ajax gemit:
Hic mille ficta nomina Heroum emicant.
Quid ampla memorem Persico pomaria
Visenda cultu? Frondium his confert decus,
Si qua aut comanti vertice, aut fructu abdito
Superbit arbor. Balsami hic sudat liquor,
Libanitidesque fronde luxuriant cedri:
Fatidica sectas laurus intexit vias:
Patula cupressi spatha coniferæ ambiant:

L

Spo-

Spoliumque Idumes omne conuestit nemus.
Hic subdialis imminet siluis lacus,
Vitreasique venas fundit, & liquidas agris
Dispensat vndas: didita ut ripis latex
Arbusta lambens, nutriat vernum decus.
Nec rure culto, nec suburbanis minor
Palatiorum augusta Maiestas fuit.
Hic limen ipsum, & Regiae auratas fores
Frequens satelles obsidet: pars aureis
Armata peltis Regium stipant latus;
Pars etiam ahenâ luce conspicua vias
Anteambulones occupant; maior subit
Agmenque claudit fida Nobilium manus.
Adde atrienses, adde pincernas, coquos,
Comptosque vernas, & puellarum greges
Exhauriendis mille mandatis pares,
Quot comminisci mille consortes thori,
Formæ atque fastus æmulæ inuicem, queunt.
Diurna cunctis lauta, ter deni boues,
Centum bidentes, quodque venantium labor
Mense ministrat. Rusticas queritis opes?
Campos oberrant mille lanigeri greges,
Tenerumque carpunt in myricetis thymum.
Armenta totidem pinguis micant toris
Et læta tondent pascua. His simile nihil
Videre Solymæ. Euulsa quid terræ fibris
Auri metalla, aut pondus argenti eloquar,
Vectum per altos Thetidos vndantis sinus,
Alio calentem Sole dum Peruen rates
Prorisque fulcta Tartessi vada?
Tributa Idumes adiice, & Mareotidos
Quæ rector ore pronus obsequio tulit:

Ad-

Adiuce Sabæos, Cyprios, Arabes, Scythes,
Et Regio apice digna quæ Tyrus dedit,
Opibus voluptas suppare iunxit gradus.
Huic condiendæ dapibus admixtum melos,
Et musicorum lœta quæ fidibus cohors
Curas leuaret, & Syri, & Lydi, & Phryges,
Mixtusque Pharia merce delicium aurum
Venalis infans : virgines formâ illice,
Pellax venenum : siue Cecropia alitis
Lenocinanti voce quæ vincant modos,
Seu quæ canoræ barbiti loquacibus
Digitis pererrent æra. Quid memorem scyphos
Gemmis rigentes, vrceos auro graues?
Hominum suave nectar his fundit labris
Laticem Lyæum compta puerorum phalanx.
Quid plura? gazis & superbifico potens
Vici paratu, quotquot imperio inclyti
Solymæa tumidâ sceptræ gestarunt manus.
Hæ cunctæ gressu lubrico accessi miser:
Nec cespitanti Sophia substraxit facem,
Laterique adhaesit. Interim effusas dedi
Oculis habenas. Quidquid aut adspectui
Specie adlubescit, aut mouet cordi sitim,
Quidquid libido suadet, id votis dedi.
Nec in arcta lœtam spatia contraxi indolem:
Animum iocis, ac tabidas curas Notis,
Veneri ac Lyæo floridos vita dies
Lubens dicaui: culmen hoc summum ratus
Beatitatis, aura dum sortis fauet,
Partis fruisci. Hoc præmium curis datum,
Hæc meta vita, hæc summa votorum fuit.
Heu cassa rebus somnia! heu sumum! heu nihil,

L 2

Quod

Quod fascinatos luminibus amabili
 Errore laetat! Quid fibras terre improbo
 Labore scrutor, luridâ vt nocte abditam
 Segetem malorum publicam in lucem eruam?
 Per quot pericla grandius periculum
 Sectamur! Aut quid luxui tantus labor
 Desudat? O quam tabidam morum luem
 Gremio fouemus! Regium fastum adiice,
 Et quam superba sceptra mentiri solent
 Beatitatem. Eheu quid h̄c solidi vides?
 Inane magnum nomen alienum occupat.
 Felix, recurvâ valle qui potuit sitim
 Saliente venâ sistere: excuso è throno
 Gemmâ propinant toxicum. Felix, cui
 Viridi soporem cessite inuitat torus
 Aut ripa frondens: ostro in Oebalio torum
 Sibi cura sternit. Tutiū repunt solo
 Humles myricæ, quam comis superbiat
 Intonsa cedrus. Marmoris molem strue
 Inuisa calo culmina; in cinerem ruet
 Cuncta h̄c vetustas. Nempe marmoribus edax
 Sua fata tempus dixit: & quidquid diem
 Adspexit, etiam noctis adspiciet vices.
 Hoc nempe fato constat aeterni Patris,
 Hoc lege cœli, vt constet in terris nihil.

PROSA EXEGESIS.

Regia for-
tuna va-
nitas. **N**ON potuit Ecclesiastes magis ad institutum suum
 appositè pertexendam vanitatis telam ordiri,
 quam à suo ipsius vice instituto, Regiâ scilicet maie-
 state, in quâ nec pauca & illustria insunt vanitatis ar-
 gumenta. Nam quò maiora atque ampliora sunt in
 spe-